

廣  
瘟  
疫  
論

廣瘟疫論序

瘟疫一證歷代明哲具有成方如仲  
景有大青龍湯陽旦湯越婢湯黃芩  
湯白虎湯大小柴胡湯三承氣湯麻  
黃升麻湯諸條列瘟疫之見證為汗  
法下法和法雙解法輕重深淺纖毫  
備具特散見於諸經條中而未嘗直

指其名為瘟疫非不欲明言也其書  
本傷寒立論而互為區別之書非專  
論瘟疫之書且上古文辭簡易詳於  
辨證而不詳於立名欲人後證其細  
辨則不必於名上區別而自無混淆  
之失嗣是而後河間有宣明五氣論  
則論瘟疫較詳立法更備如桂苓甘

露飲黃連解毒湯三已效方涼膈散  
人葭石膏湯雙解散諸方皆是而亦  
未正其名易老東垣大羌活湯九味  
羌活湯立方更備而亦無專書無特  
名至吳又可先生貫串古今融以心  
得著時行瘟疫一論真可謂獨闢鴻  
蒙揭日月於中天矣願其書具在而

時賢有未見而不用其法或雖見其書而不能信者無恠矣有口誦其書嘖嘖稱道而對證施方仍多不用其法口則曰此時證也而手則仍用傷寒之方拘傷寒之法者比比皆然愚揣其情必非知而不用也知其名而未得其辨證之法耳愚目擊心傷不

揣固陋而取吳子之原本或註釋或  
增訂或刪改意在辨瘟疫之體異於  
傷寒而尤慎辨於見證之始故首增  
辨氣辨色辨脉辨舌辨神諸論於開  
卷使閱者一見瞭然則吳子之書人  
人可用而瘟疫之橫天者少生全者  
多誠斯世斯民之幸也上元戴天章

麟郊甫識於有存書屋

乾隆四十八年歲在癸卯夏五月望  
日孫男嗣琦謹書

六淫之邪中人爲病風寒尤甚蓋風者善行數變其  
勢猛急寒者收引拘束其氣堅凝故其病人也不假  
少貸而爲患至速各家醫書均首列中風傷寒二門  
以示後學習是業者咸致力於風寒以求諸病擴而  
充之觸類引伸固無所不概若執而守之亦不免刻  
舟求劍而所遺實夥雖張沙有論後學註釋繁多究  
使指歸不定以致濕溫時疫漏而不講迨吳又可瘟  
疫論出稍使人知疫與傷寒口途異歸不可拘傷寒  
論而沿疫然其辨悉猶未若廣瘟疫論之提綱挈領



曉暢明白能使不習醫者洞然領畧也予於庚寅偶得此書故友王村舟言是書乃金陵前輩麟郊戴公存存書屋之稿本近爲儀徵鄭氏所刻發坊未久板已散失坊間竟無覓處予每惜之庚子遷居北城得識國子學正戴敬咸先生乃知麟郊公爲先生之祖因叩及是書藏本與予所得者相校讐一字無訛雖鄭氏前刻未將存存書屋之來由道出情似掠美然非其剽竊傳則予亦不得覩見而無由與敬翁先生探其本源也因憇息梓行以繼前徽壬寅冬正在

付梓尚未蒞工而敬翁先生忽嬰疾而逝今其嗣接  
踵成是書囑予紀其本末予亦不敢以固陋辭謹敘  
其事以紀麟郊公之作美於前而得其賢嗣繼美於  
後庶此不刊之書得以永垂霄壤救濟生靈實可上  
裨長沙之功而庇醫林後學於不淺矣

乾隆四十八年歲次昭陽單閏戊申月會稽沈懋發  
撰

張仲景傷寒論不止爲傷寒一證用也經絡腑臟表裏洞然善讀者誠擴而充之運用不窮故爲醫門聖書獨瘟疫一證治法又別其始末疑似之交非更有善本剖析精詳終不免毫釐千里之誤此洞庭吳氏之書紹仲景而獨闢其奧也況瘟疫病多真傷寒病少其於濟世尤急舊稱長沙於傷寒論外兼有治疫之書而世遠失傳洵可惜也余弱冠習舉子業兼從田淑姜先生讀軒岐羣素諸書於吳氏瘟疫論頗曾究心嗣嵇山家叔授以存存書屋廣瘟疫論抄本知

爲鄉先輩麟郊戴贈公所著命篇分類亦從吳氏書  
折衷而出內增辨證八兼證五夾證十條分縷析尤  
爲壽世良法數年來每於風雨雞鳴講明切究及臨  
證時覺有得心應手之妙益信是書之爲功大也辛  
丑冬晤贈公文孫未堂先生幸將出其藏本刊板行  
世庶可公諸海內用垂不朽並囑余誌其端未爰敬  
跋數言以附卷後

乾隆四十七年歲次壬寅冬十月旣望江寧後學程  
家珪葵百氏頓首拜識

先大父北山先生以通儒定醫學所論著傷寒雜病  
諸書及欬論註瘧論註廣瘟疫論凡十數種皆先世  
父雪村先生行楷細字錄藏於家近書坊中有刻本  
瘟疫明辨四卷祖啟購閱之卽先大父存存書屋廣  
瘟疫論也雖易其名幸未改竄其文不知何人誤刻  
爲歛人鄭某之書在先大父因不爭此而子孫見之  
不容不正也因出存存書屋原本校而刻之以糾譌  
傳廣先德因嘆傷寒一書註者百家至程郊倩實爲  
獨闢鴻濛後有慈溪柯韻伯論翼出而傷寒之書嘆

觀止矣瘟疫一證古無成書至吳又可實爲獨闢鴻  
濛更有先大父此書出而瘟疫之書嘆觀止矣事固  
有更閱數千年而後得斯折衷者此類是也代生名  
賢民何幸歟

乾隆四十七年歲在壬寅秋七月望後二日孫男祖  
啟謹識

上元縣志

戴天章字麟郊邑庠生少師林青雷習舉子業好學  
強記所讀經史能通部逆背如瓶瀉水壯謂時文手  
祿不足爲研求有用之學自天目地理算數射弋以  
及書畫琴弈之類無不探微極要尤精醫理博覽深  
思活人無算謝之金揮不受四方淹雅名流至必下  
榻請教性樂推解爰補中或來就食更贈餘資歸而  
舉火課諸子督以勤苦力學晚號北山學者稱北山  
先生長子瀚字巨川雍正元年癸卯一甲第二人恭

遇

覃恩

勅贈文林郎翰林院編修例贈中憲大夫乾隆辛卯孫翼  
子官御史再遇

覃恩

馳贈朝議大夫如其官



廣瘟疫論目次

上元戴天章麟郊甫著

卷之一

一辨氣

二辨色

三辨舌

四辨神

五辨脉

時疫與風寒異氣

時疫與風寒異受

辨傳經

兼寒

兼風

兼暑

兼瘧

兼痢

夾痰水

夾食

夾鬱

夾血

夾脾虛

夾腎虛

夾亡血

夾疝

夾心胃痛

夾哮喘

卷之二

表證

發熱

惡寒

寒熱往來

頭痛

頭眩

頭脹

頭重

目脹

項強酸

背痛酸

腰痛酸

膝痛酸

脛痛酸

足痛

肩背痛酸

腕痛

周身骨節酸痛

拘攣

身重

自汗

盜汗

戰汗

狂汗

頭腫

面腫

頸項腫

耳旁腫

胸紅腫

周身紅腫

發黃

發疹

發斑

卷之三

裏證

煩躁

嘔

次

渴

口甘

唇燥

齒燥

鼻孔乾

耳聾

鼻如烟煤

鼻唇張

咽乾

咽痛

舌燥

舌強

舌痿

舌卷短

胸滿痛

脇滿痛

腹滿痛

少腹滿痛

自利

便血

便膿血

大便閉

小便不利

小便黃赤黑

小便多

遺尿

囊縮

多盲

識語

狂

善忘

沉昏

循衣摸床撮空

多睡

身冷

呃逆

吐衄

卷之四

汗法

下法

清法

和法

補法

四損

四不足

三復

辨似

遺證屬病後不表裏證

發腫

發頤

發瘡

發癢

索澤

發蒸

婦人

妊娠

小兒

卷末

諸方

瘟疫論卷之

一辨氣

風寒氣從外收斂入內。病無臭氣觸人。間有作臭氣者。必待數日轉陽明府證之時。亦只作腐氣。不作屍氣。瘟疫氣從中蒸達於外。病卽有臭氣觸人。輕則盈於床帳。重則蒸然一室。且專作屍氣。不作腐氣。以人身藏府氣血津液。得生氣則香。得敗氣則臭。瘟疫敗氣也。人受之自藏府蒸出於肌表。氣血津液逢蒸而敗。因敗而溢。溢出有盛衰。充塞有遠近也。五行原各有臭氣。木臊。金腥。心焦。脾香。腎腐。以臭得其正。皆可指而名之。若瘟疫乃天地之雜氣。非臊非



痼非焦非腐其觸人不可名狀非鼻觀精者不能辨之試  
察廁間糞氣與凶地屍氣自判然矣辨之既明治之毋惑  
知爲瘟疫而非傷寒則凡於頭痛發熱諸表證不得誤用  
辛溫發散於諸裏證當清當下者亦不得遲回瞻顧矣

## 二辨色

風寒主收斂斂則急面色多緗急而光潔瘟疫主蒸散散  
則緩面色多鬆緩而垢晦入受蒸氣則津液上溢於面頭  
目之間多垢滯或如油膩或如烟熏望之可憎者皆瘟疫  
之色也一見此色雖頭痛發熱不宜而用辛熱發散一見  
舌黃煩渴諸裏證卽宜攻下不可拘於下不厭遲之說

### 三辨舌

風寒在表。舌多無苔。即有白苔。亦薄而滑。漸傳入裏。方由白而黃。由黃而燥。由燥而黑。瘟疫一見頭痛發熱。舌上即有白苔。且厚而不滑。或色兼淡黃。或粗如積粉。若傳經入胃。則兼二三色。又有白苔即燥。與至黑不燥者。大抵疫邪入胃。舌苔頗類風寒。以兼濕之故。而不作燥耳。惟在表時。舌苔白厚。異於傷寒。能辨於在表時。不用辛溫發散。入裏時。而用清涼攻下。斯得矣。

### 四辨神

風寒之邪傷人。令人心知所苦。而神自清。如頭痛作寒熱。

之類皆自知之。至傳裏八傳始神昏譁語。緣風寒爲天地正氣。人氣與之乖忤而後成邪。故其氣不昏人神情也。瘟疫初起。令人神情異常而不知所苦。大槩煩燥者居多。或如癡如醉。擾亂驚悸。及問其何所苦。則不自知。卽聞有神清而能自主者。亦冬夢寐不安。閉目卽有所見。有所見卽譏妄之根。緣瘟疫爲天地邪氣中人。人病中物。物傷故其氣專昏人神情也。

### 五辨脈

瘟疫之脈傳變後與風寒頗同。初起時與風寒迥別。風寒從皮毛而入。一二日脈多浮。或兼緊兼緩兼洪而皆浮。迨

傳入裏。始不見浮脈。其至數亦清楚而不模糊。瘟疫從中  
道而變。自裏出表。一二日脈多沉。迨自裏出表。脈始不沉。  
乃不浮不沉而數。或兼弦兼大。而皆不浮。其至數則模糊  
而不清楚。其初起脈沉遲。勿作陰寒。沉者邪在裏也。遲  
者邪在陰分也。脈象同於陰寒。而氣色舌苔神情依前諸  
法辨之。自不同於陰寒。或數而無力。亦勿作虛視。緣熱蒸  
氣散。脈不能鼓指。但當解熱。不宜補氣。受病之因有不同。  
故同脈而異斷也。

辨時行疫癘與風寒異氣

風主疎泄。寒主凝泣。二氣雖有不同。然皆冷而不熱。其中

人也鬱而不宣。方其初受在表。均宜溫散。麻黃湯桂枝湯  
芎蘇十神神朮等方。皆散寒之劑。非解熱之劑。時行之氣  
屬濕溫。二氣合成。熱而不冷。其中人也。立蒸而腐敗。方其  
初傳在表。卽宜涼解。大青龍湯六神通解散九味羌活湯  
歲時湯大羌活湯人參敗毒散。皆解熱之劑。非散寒之劑  
也。以解熱之劑治風寒。輕則寒中嘔利。重則厥逆亡陽。以  
散寒之劑治瘟疫。輕則口渴譫妄。重則枯竭亡陰。此氣之  
不可不辨也。泣通濟

辨時行疫癘與風寒異受

風寒從表入裏。自皮毛而肌肉而筋脈而胸膈而腸胃。一

解漸深一層不能越此而入彼故汗不厭早下不厭遲爲和爲解淺深毫不可紊以其氣皆屬冷一層收斂入一層必待寒化爲熱邪斂入內方可攻下涼解否則邪未入裏預用攻利涼解虛其裏氣反引表邪內陷而成結胸痞利諸險證也時證從口鼻而入先中中焦後變九傳其傳自裏出表雖出表而裏未必全無邪留經過之半表未必全無邪干故下不厭早汗不厭遲爲和爲解淺深必不可拘以其氣皆屬熱熱能作蒸不必鬱變而此蒸即帶彼熱當其未出表時強欲溫表在始則引毒熱成燎原之勢爲斑衄狂喘諸凶在末則傷真陰爲枯涸沉昏厥逆諸危也

辨傳經

溫疫傳經與風寒不同。風寒從表入裏。故必從太陽而陽明而少陽而入胃。若溫疫則邪從中道而出表入裏。惟視人何經本氣之強弱爲傳變。故吳又可曰。疫邪有先表後裏者。有先裏後表者。有但表不裏者。有但裏不表者。有表勝於裏者。有裏勝於表者。一句吳又可本作有表裏偏勝者一句有表而再表者。有裏而再裏者。有表裏分傳者。此爲九傳。愚按所謂表者。發熱惡寒。頭痛頭眩。項強背痛。腰疼腿膝足脛酸痛。自汗無汗。及頭腫面腫。耳目赤腫。項腫。發斑發疹。皆是。所謂裏者。渴嘔胸滿。腹滿腹痛。脇滿脇痛。大便不通。大便泄。

瀉小便不通。小便黃赤。滿痛。及煩躁。譫妄。沉昏。舌強。口咽赤爛。皆是在風寒從表入裏。裏證。鬱而成。故見表證。不必兼見裏證。且入裏之後。表多自解。故見裏證之後。不必復見表證。若瘟疫本從中道而出。表裏見表證時。未有不兼一二裏證者。且未有不兼見一二半表裏之少陽證者。仲景辨三陽合病。必自下利。三陽合病。脈浮大。上關。但欲嘔。吐合則汗。三陽合病。腹滿身重。難以轉側。口不仁。而面垢。譫語遺尿。皆指瘟疫。非指風寒言也。且瘟疫屬蒸氣。出表入裏。原自不常有。入裏下之。而證不盡。仍可出表者。嘗見譫妄沉昏之後。



病愈數日復見發熱復從汗解者此所謂表而再表  
風寒必無是也更有下證全具用承氣湯後裡氣通而表  
亦達頭痛發熱得汗而解移時復見舌黑胸滿腹痛譫妄  
仍待大下而後愈者此所謂裏而再裏風寒必無是也若  
去表裏分傳之證風寒十無一二疫證十有六七但據傳  
經之專雜以辨之一經專見一經證者多風寒一經雜見  
二三經證者多疫證日久漸轉屬者多風寒一日驟傳一  
二經或二三經者多疫證則雖病有變態而風寒不混於  
疫證疫證不混於風寒施治自無訛誤矣

至若辨氣辨色辨舌辨神俱已清楚而投之以治疫之

藥復有不效者。則以時疫有獨發。有兼夾他證之故。是以辨時疫異於他證矣。至夾他證者。則此人時疫與彼人時疫。又有不同。尤當細辨。其兼證凡五種。夾證凡十種。詳列於後。

### 兼寒

其一有兼寒者。初起一二日。頭痛發熱。身痛惡寒。諸表證悉與時疫同。而以脈辨則不同。時疫多軟散而不浮。兼寒則多浮數。浮弦。浮大。甚至有浮緊者。再以證辨。亦微有不同。時疫多汗。兼寒則無汗為異。亦異於單受寒者。單受寒無煩躁。口苦。口臭證。時疫兼寒。必有煩躁。口苦。口臭證也。

起一二日與時疫無異。只胸滿嘔利爲異。而脈則兼弦細。此遲不似時疫不浮不沉而數。治法於時疫諸方中微減發表之味。如用羌卽不用獨。用柴卽不用前。蓋時疫多汗暑證更多汗。兩邪逼出表。汗則表必虛。故發表之味不可重複也。寒潤之藥尤宜減。清熱之味亦宜減。以邪從表出。鬱熱必輕。過用清涼。恐致寒中。而增嘔脹泄利。況表氣太泄。裡氣必虛。易犯厥脫之證。故清涼寒潤不可太多也。最宜加用分利燥脾之品。木通爲上。滑石次之。猪苓赤茯苓澤瀉又次之。蓋分利則暑與疫皆從清道而出。邪有去路。正不必徒以寒涼逆折取效也。間有表見身痛。宜用香薷。

見腹滿。宜用蒼朮者。再時疫兼暑。則病勢反緩。以疫中瘧氣屬亢陽。暑爲陽中之陰。陽得陰則解。雖不能盡解。然得一分陰氣。則和一分亢陽。每見時疫兼暑。其譫妄舌燥諸證反緩者。聊此故也。

### 兼瘧

時疫有似瘧。有轉瘧。有兼瘧之不同。用藥亦有微異。似瘧者寒熱往來。或一日二三次。或一次。而時無定也。時疫初起多有之。轉瘧者時疫初起。煩渴大劇之後。已經大汗大下。仍有餘邪不解。復作寒熱。轉成瘧象也。時疫末路多有之。兼瘧之證。乃寒暑時疫合病也。其證寒熱有常期。瘧證

全具但熱多寒少且多燥渴擾亂熱勢迅速神情昏憤穢  
氣觸人爲異秋令多有之時疫所以似瘧者因邪氣盤錯  
於募原欲出表而不能透達欲陷裡而未得空隙故見半  
表半裡之少陽證也治法宜達原飲加柴胡爲主時疫所  
以轉瘧者因汗下後邪氣已衰正氣來復邪正相爭故在  
先陽氣獨亢有熱無寒者今則以陰液漸回而寒熱相爭  
矣在先邪氣乘細晝夜燥熱無休也時者今則邪氣漸退  
正氣漸復而寒熱發作有時矣治法以養正爲主祛邪佐  
之小柴胡湯炙甘草湯柴胡四物湯參胡三白湯量餘邪  
之盛衰視陰陽之盈虛酌而用之至若兼瘧之證最爲難

治吳又可曰瘧疾二三發或七八發後忽然晝夜煩熱發渴不惡寒舌上苔刺心腹痞滿飲食不進下證漸具此時瘵證見而瘵證隱也以瘵證方藥治之則生瘵家方藥治之則劇治之如法脈靜身涼每日或間日寒熱復作有常期者時疫解而瘵邪未盡也仍以瘵法治之愚按時疫與瘵病不甚相遠疫乃溼溫二氣合病瘵乃風寒暑溼四氣合病其邪氣之雜而不純相類瘵邪橫連募原時疫亦發於募原其受邪之處相類但時疫之溫氣發則爲亢陽故宜下宜清之證多瘵之暑氣停則爲鬱滯故宜宣利之證多耳所以時疫初起方用達原飲與瘵之主方用清脾飲

一遇此等。更當辨其受寒與時疫孰輕孰重。疫重寒輕者。煩躁證多。無汗惡寒證少。則當以敗毒散加知母石膏。或達原飲加羌防柴葛。或六神通解散尤捷。寒重疫輕者。惡寒無汗證必甚。煩躁必輕。則只用敗毒散。其寒束於外。無汗惡寒既甚。疫鬱於內。煩躁更甚者。冬月大青龍湯可借用。餘月九味羌活湯最爲的當。此證若治寒遺疫。必有班黃狂衄之變。治疫遺寒。復有厥逆嘔利胸腹痞滿之憂。馴至沉困者不少。不可不知。然此皆爲初起一二日言也。若日久則邪疫勃發。表寒不能自存。而變爲熱。則惟以治疫之法治之而已。

兼風

其一有兼風者。初起一二日。表證與時疫悉同。惟鼻塞。鼻鳴。嚏噴。咳嗽。與時疫略異。脈亦多浮。而與時疫之不浮。不沉。而數者微異。治法不大相遠。卽於時疫諸方中。加荊防。咳加前胡。杏仁。蘇子而已。大抵時疫著寒。能令病勢增重。兼風反令病勢易解。以寒主凝泣。則疫邪內鬱。鬱一分。病勢增痼。一分。風主游揚。則疫邪外疏。疏一分。病勢解散。一分。泣全清。

兼暑

時疫兼寒兼風。四時皆有。至若兼暑。一證。惟長夏有之。初



藥品亦多相類。至其傳變則緩急輕重迥乎不同也。善悟者於此處細參。思過半矣。

### 兼痢

時疫本多自利證。表證初起。卽每日解數次。稀臭水者是也。詳見後自利條下。更有春夏之交。得時疫卽兼下利。紅白而裏急後重者。名爲疫痢。初起慎不可從痢治。蓋痢屬裏證。今兼疫邪之發。熱頭痛爲表裏俱病。先用治疫之法。解其表。表解而裏自和。其痢多有不治自愈者。若用治痢之法。先清其裏。裏氣虛而表邪陷。輕者增其煩躁。沉困重者遂至嘔逆昏憤而危矣。所以古人於疫痢初起。專主倉

原湯其方乃人參敗毒散一意解表。但加陳倉米以和中養脾胃。俟表證解後。裏執證具。方可議清議下。不但香連芍藥承氣之類宜緩。卽淡滲分利之劑亦宜緩投於表證未解之先也。若太陽證不見而微見少陽陽明證者。則柴葛五苓散不妨借用。痢證夾表不可清裏。不特時疫兼證爲然。凡一切痢證微兼身熱。卽宜慎用苦寒淡滲。用之若早。必增嘔逆。此歷驗不爽者。疫證兼利其熱勢反多緩。亦由病爲暑氣陽中之陰。能和亢陽。且鬱蒸之熱有所疏泄故也。若疫毒太甚驟發。卽下純紅純紫惡血。或兼見舌燥譫妄諸惡證者。黃連大黃又在急用。不可拘此論矣。

以上五條其辨明所以爲瘟疫兼證固已不憚逐類詳審然總以前所備具氣色舌神脉五辨爲主五者之中必有一二確據方於疫門求治否則各按各門施治可也若混以時疫治之爲害甚矣

夾痰水

飲入於胃經蒸變而稠濁者爲痰未經蒸變而清稀者爲水痰與水一物也痰能作熱水能作冷時疫屬熱證故夾痰者更增其熱脉證治法無甚參差但於治疫藥中加瓜蘖貝母甚則加牛黃夾水者脉證往往相悖治法則有不同不可不細辨也時疫之脉必數而夾水在胸膈其脉多

緩。甚。則。遲。弦。此。脉。夾。水。之。辨。也。時。疫。之。舌。一。經。傳。裏。卽。轉。黃。轉。燥。轉。黑。若。有。水。在。胸。膈。則。煩。躁。譫。妄。沉。昏。諸。證。備。具。而。舌。色。白。潤。間。有。轉。黃。黑。者。亦。必。仍。有。白。苔。或。滿。舌。黃。黑。半。邊。夾。一。二。條。白。色。或。舌。尖。舌。本。俱。黃。中。夾。一。段。白。色。此。苦。夾。水。之。辨。也。時。疫。胸。滿。心。下。硬。痛。手。不。可。按。一。有。水。在。胸。膈。心。下。雖。滿。痛。按。之。則。軟。略。加。揉。按。則。漉。漉。有。聲。此。證。夾。水。之。辨。也。時。疫。見。夾。水。脉。證。雖。有。表。不。宜。純。用。辛。涼。發。散。純。用。辛。涼。則。表。必。不。解。而。轉。見。沉。困。有。裏。證。不。可。遽。用。苦。寒。早。用。苦。寒。必。轉。加。昏。愢。此。水。氣。鬱。遏。熱。邪。陽。氣。受。困。宜。於。發。表。清。裏。藥。中。加。辛。燥。利。氣。利。水。之。品。以。祛。水。氣。迫。

水氣去鬱遏發。然後議攻議涼。則無不效者矣。燥淫則半  
夏蒼朮利水。則水通苓澤利氣。則兼服草果木香。甚至有  
須用大戟芫花者。在時疫雖屬熱邪。往往有投三承氣黃  
芩白虎而不效。偶用溫暖藥收功者。遂相訟清熱之非。不  
知熱邪乃其本氣。夾雜乃其間氣也。

### 夾食

時疫夾食者最多。而有食填膈上。食入腸胃之不同。入腸  
胃則爲陽明諸熱證。治法備於三承氣湯。惟食填胸膈。往  
往有脉沉手足冷者。誤認三陰。投以溫劑。亦無一毫熱渴  
發見。但煩躁倍增。甚則一二日即死。蓋胸中乃陰陽升降

之路。食填之。則氣閉。氣閉。則熱鬱於下。而無所疏泄。其溫則熱愈鬱。熱鬱於內。故外無發熱。謂熱鬱於下。故上無汗。此證。疫熱。以出表爲輕。入裏爲重。在淺爲輕。入深爲重。此證。一溫。則逼邪入裏。入深。以致速死。而無熱證也。如氣色神舌脉。辨得爲疫證矣。而遇脉沉手足冷。卽當細詢其胸膈。若痞塞悶滿。卽是夾食。再辨其舌苔白厚。而微兼淡黃。益爲食填膈上之明驗。於治疫藥中。加枳桔。青皮。萊菔。麴藥。甚則用吐法。以宣之。使膈開而陽氣宣達。然後熱證自見。當解表。當清裏。自無誤治矣。

夾鬱

時疫夾氣鬱者。初起疫證悉同。而多脉沉。手足冷。嘔逆。胸滿。頗類夾食。但夾食爲有物爲實邪。舌苔厚白而微黃。胸膈滿痛。不可按。而亦不移。夾氣爲無物爲虛邪。舌苔白薄。胸膈滿痛。串動而可按。宜先宣通其鬱。然後解表。清裏。自無不效。若不舒鬱而徒發表。則裏氣不能外達。而難於徹汗。遽用清下。則上氣不宣。多致痞逆。惟於解表藥中。加蘇梗。木香。大腹皮。香附等類。以宣其氣。則表易解。於清裏藥中。加川貝母。以舒其鬱。則裏易和。貝母爲舒鬱要藥。但力性緩。必用至五錢一兩。方能奏效。

夾血

時疫傳裏之後。畜血最多。治從攻裏。茲不具論。惟本有內傷。俾瘀復感。時疫於初起一二日。疫之表證悉具。而脉或芤。或流。頗類陽證。陰脉。但須細詢其胸腹脇肋四肢有痛。不可按而濡者。卽爲畜血確驗。其芤濇非陽證。見陰脉。乃表證見裏脉也。治法必兼消瘀。紅花桃仁歸尾赤芍元胡之類。量加一二味。表邪方易解。芤濇之脉方易起。若誤認芤濇爲陰脉。而投溫劑。輕者變劇。重者危矣。

### 夾脾虛

時疫較之風寒本爲難治。以風寒傳變有次序。時疫傳變無常經。風寒表邪一發卽散。時疫散而復集。且往往復之。



再三風寒傳裏證一攻卽和時疫攻而復合有下至一二  
十次者此時疫之難治也而脾虛者更爲難治蓋時疫必  
得汗下而後解脾虛者表不能作汗裏不任攻下或得汗  
矣而氣隨汗脫得下矣而氣從下脫治此等論汗勿強汗  
發表必兼養正人參敗毒散是也下勿輕攻裏必兼固  
氣生津液黃龍湯是也其外證無大分別惟脉不任尋按  
然邪有進退當其邪進方張之時脉亦有尋按有力者不  
可泥也必合氣色神情脉證以相參如面色痿黃神情倦  
怠氣息微促及心悸耳鳴皆脾虛中氣不振之象更須通  
體合參如通體皆見有餘實象而獨見一二虛象則虛象

反爲吃緊。通體見虛象。而獨見一二實證。則實證又爲吃緊。必須權衡標本。凡證之屬表屬上焦屬六腑者皆爲標。證之屬裏屬中焦下焦屬五臟皆爲本。若實證居標。虛證居本。則虛證爲重。虛證居本。則實證爲重。到此虛實關頭。必着意參詳。庶幾無失。

### 夾腎虛

時疫夾脾虛者爲難治矣。夾腎虛者更難。時疫屬熱證。腎氣虛則手足冷。時疫屬實邪。腎氣虛則眩暈驚悸腰膝痠軟。腎虛之中。又有陰虛陽虛之分。時疫必待汗下清而後解。陽虛者一經汗下清。則脫絕之證隨見。陰虛者一經汗

下則枯竭之證。隨見必須時時諦察。凡在表時見腰痛異  
常。小便頻數。膝脛冷軟。其人平日非有淋濁陽痿。卽係遺  
洩。好內。須詢明于通表藥中。加入參白芍。陽虛兼杜仲。陰  
虛兼知母。以照顧腎氣。免後來意外之變。若入裏當下。必  
以陶氏黃龍湯爲主。當清必以人參白虎湯爲主。或屢清  
屢下。而熱更甚。舌上燥而無苔。或有黑苔。愈清而愈長。或  
有燥苔。愈下而愈燥。此皆腎虛之證。察其陽明無實邪。可  
擬當從腎虛治。以大味地黃湯。易生地。加知柏。王太僕所  
謂寒之不寒。責以無水。壯水之主。以制陽光者。此也。或仍  
不應。則合生脉散以滋水之上源。或用四物湯流通經絡。

似此熱勢燎原。非至水所能救。必大作湯液。藥味必以兩計。湯液必以斗計。乃有濟耳。見幾若早。十救二三。涸竭已見。十難救一。或更兼脾胃敗證。如嘔呃噦利之類。湯藥不下。百難救一矣。

### 夾亡血

疫證亡血有三。其一未病之先。素亡血而陰虛。一受疫則邪熱乘虛煎熬。亡陰最易。解表清裏用藥。必步步照顧榮血。如九味羌活湯之用生地。人參敗毒散之用人參是也。其二當受病之時。忽然吐衄。女子崩漏。甚至血暈昏厥。勢甚危急。亦疫證常有也。病家但知血之可駭。往往不知受

疫醫家亦忽其客邪。惟汲汲于止血清涼滋補。多至危殆。不知血由疫逼。惟當治疫。疫邪解而血自止。此證不遽見於疫在表時。而見於發熱數日之後。人猶易知。惟疫鬱於陰經。而暴見此證者。難識。以其證外無頭痛發熱之可據耳。但見微惡寒而大作嘔急。當視其氣色。神脈舌苔。若舌有白苔。氣色有一二疫象。卽是疫毒無疑。以達原飲爲主。嘔加藿香。脹加青皮。但治疫毒。血證自己。若脫血太甚。而氣欲絕者。加人參以固中氣。俟疫證傳變歸經。然後按經治之。此疫證兼血之最危者。其三。疫邪大張之後。煩熱燥渴之餘。而見亡血證。則又瘟疫常態。詳後血證各條。

疫邪夾痢。其腎囊少腹引痛。全是痢證。當照辨氣色神脈。舌苔法辨之。一有疫邪。不必治痢。但治疫而痢自消。若依常治痢法。用吳萸桂附茴香諸燥品。輕者變爲囊癰。重者變爲呃逆噤厥昏沉而莫救矣。

### 夾心胃痛

時疫有兼心胃痛者。於其痛時。察其氣色神脈舌苔。若有一千時疫。但治時疫。雖平時因寒而發。此則惟治其熱。蓋以疫邪客於募原。傳於太陰。而發心胃痛之痢疾於達原。飲中加木香蒼朮。以開通權疫。使其透發於表。而痛自已。

若誤認平常心胃痛用桂附薑黃必致危殆

### 夾哮喘

哮喘乃肺家素有痰火一受疫邪其淫熱之氣從其類而入肺發其哮喘遇此當察其氣色神脉舌苔有痰但治疫其哮喘自除于治疫藥中加貝母瓜蒌淡豉桑皮疫邪哮喘並解法更精密

以上諸條凡言兼者疫邪兼他邪二邪自外入者也凡言夾者疫邪夾內病內外夾發者也二邪兼發以疫爲重他邪爲輕故略兼治他邪而病卽解二邪夾發如夾水食血氣痰等實邪則以夾邪爲先疫邪爲後蓋清其

夾邪而疫請始得透達透達方能傳變傳變方能解利也。如夾脾虛腎虛亡血諸虛證則以治邪爲主。養正爲輔。蓋疫邪最易傷正。故不可養正遺邪也。如夾疝哮喘胃痛諸舊病則但治疫邪。舊病自己。蓋舊病乃新邪所迫而發也。



廣溫疫論卷之二

疫邪見證千變萬化。然總不曰表裏二者。但表證中有裏邪。裏證中有表邪。則又不可不細察也。故列註分表裏。以盡其當。又細辨以盡其變。使人人臨證胸有定見。少救橫夭於萬一耳。

表證

發熱

時疫發熱。與風寒雜證同。其發熱時。氣色神脉舌苔。則不同。辨得爲時疫發熱。又當知有淺深表裏之異。不辨無以施治。發熱表證居多。亦有裏證發熱。半表半裏發熱。餘邪

不盡復出於表發熱邪退正虛發熱而表證發熱脉不浮  
不沉而數寸大於關尺熱在皮膚捫之烙手久按反輕必  
兼頭痛項強脰痛脰酸或頭面身體皮膚有紅腫疼痛諸  
證不必全現有一於此便是表證發熱九味羌活湯人參  
敗毒散六神通解散選用冬月嚴寒及惡寒甚者大青龍  
湯葳蕤湯越婢湯陽旦湯可借用全不惡寒者白虎湯黃  
芩湯可加減用裏證發熱脉或滑或沉數或洪滑關尺盛  
於寸熱必在肌肉筋骨初捫熱輕久按熱甚必兼煩渴胸  
腹滿大便或不通或自利或衄血及膿小便黃赤或譫妄  
狂昏諸證雖不必全現必兼二三證方是裏證發熱梔子

鼓湯黃連解毒湯小陷胸湯三承氣湯導赤散瀉心湯猪苓湯天水散選用半表半裏發熱脉多弦胸脇滿或熱或止或口苦咽乾目眩耳聾或目赤或喜嘔心煩或兼見表裏證達原飲柴葛解肌湯小柴胡湯選用時疫者熱時用藥最要清楚此處頭緒不差後傳變多危救援亦易不然難於收拾矣凡見發熱卽當辨其氣色神脉舌苔爲風寒爲時疫係時疫又當辨在表在裏在半表半裏然時疫見證純表純裏者少表裏夾雜者多表裏夾雜吳氏達原飲爲主表證多加羌活裏證多加大黃半表半裏證多加柴胡葛根淡豉或表裏證均見則諸藥全用卽三消飲取效最

多誠時疫主劑。至已愈數日而復發熱者。乃募原伏有不盡之邪。復出於表。當察其證之表裏多寡。以前法治之。大抵愈後復發。則裏熱多而表熱少。雖有當用表藥之證。不過葛根柴胡豆豉而已。無更用羌活之理。若愈後另受風寒發熱無汗。舌上無苔者。不在此例。時疫愈後復熱無汗。重用葛根五錢最妙。以其性涼而解肌發汗。既不得無汗之表。又不得煩熱之裏。更有平素虛損。或老人。或大病後復染時疾。屢經汗下清解。其熱轉甚。或全無表裏實證。或六脉豁豁然空。或較初起洪滑更甚。或用表藥而身痛更甚。或屢用清熱藥而煩躁昏沉更甚。或屢用下藥而舌燥

更甚此。皆邪退正虛之發熱也。王太僕所謂大虛有盛候。反瀉含冤也。此時須略去證狀。而消息陰陽虛實。陰虛則熱渴枯竭之證。多責在腎。宜六味地黃湯。兼氣虛合生脉散。須大作湯液。晝夜頻進。效如捷。陽虛則嘔利悸眩之證。多責在脾。宜六君子湯。兼血虛歸脾湯。參胡三白散。清燥湯。選用。若遇此等證。仍用汗下涼解。宣伐斷無生理矣。又發熱之爲表爲裏爲半表半裏爲復爲虛。證狀明顯有據者。自易施治。若脉證夾雜模糊難於分辨者。須以舌苔爲據。初起舌苔薄白。或無苔而潤。屬在表。白苔而厚。或兼微黃。或中黃邊白。中黃尖白。或二三色。屬在半表半裏。黃苔

醬色苔黑苔屬裏舌苔燥則不論何色皆屬裏證屢經汗下後舌苔潤而發熱者屬陽虛無苔而燥者屬陰虛發熱之表裏虛實依此辨之思過半矣惟虛證發熱有似實證卽舌苔亦難憑據又當從病之來路探討若屢經汗下宜伐而熱愈甚者從虛治無疑或雖經汗下而熱減藥有效則仍屬餘邪未盡不可遽補致邪熱復壅天人年壽似此虛實關頭不可不細心體認也

以上辨表裏虛實諸法雖指發熱時言然類而推之凡證皆可依此爲辨惟在學者之善悟耳

惡寒

時疫惡寒與風寒暑濕諸證不同諸證惡寒無時而勢不甚時疫惡寒有時而勢甚惡寒之後必見發熱熱時自熱而不覺寒寒時自寒而不覺熱非若諸證惡寒發熱之相兼也時疫惡寒傳裏之後少在表之時多而辨氣色神脈舌苔與發熱同但有淺深虛實之異邪淺而在表者惡寒之時少於發熱治法方藥同於發熱而以解表爲主邪在半表半裏者寒熱往來如瘧狀治法方藥亦同發熱邪深入裏失於攻下而熱深厥深反欲擁被向火惡寒而不發熱或熱亦微甚則四肢反厥此雖惡寒實非寒也乃陽氣爲邪所鬱而不通以通鬱爲主達原飲大柴胡湯三承氣

湯選用使裏氣通而鬱陽發反大熱而煩渴也此證在惡  
寒時最難辨其爲熱須於九竅察之如目大小皆赤鼻孔  
乾唇紅舌苔黃黑燥耳鳴或聾小便黃赤澀痛大便燥結  
或稀黃短臭或鮮血或心下至少腹有痛不可按處此皆  
熱證之象六抵周身皆見冷證一二處獨見熱證反  
當以熱證爲主反此亦然乃辨寒熱真假之機要也余所  
見時疫不下數千裏證惡寒者百中一二卽四肢厥逆爪  
甲青紫詢其所苦亦不惡寒此可得其槩矣至若本係時  
疫熱證因其人平素虛損衰老及大病之後用攻伐寒涼  
太過至汗出不止嘔利俱作四肢微厥六脉細濡而惡寒



爲陽虛乃攻伐太過所致。當以參耆苓朮爲主。寸口脈微者。佐以升柴。尺脈微者。佐以桂附。須知雖屬陽虛。却從熱證求而陰必虧。桂附亦不可過用。當佐以護陰藥爲妙。如白芍麥冬五味之類。此證溫補略緩。及溫補不到必死。或過用溫補。陽雖回而陰竭亦死。此處不可不斟酌至當。又有宜伐太過而成虛證之惡。與寒涼太早而成實證之惡。與以疫邪方伏於募原。未經傳變之時。胸膈必多痰滯。有見其煩躁而遽用知膏苓連者。有因其作渴而遽用生地麥冬者。有病者自認火證而恣啖冷水。西瓜梨薺大早者。皆能抑鬱陽氣。壅閉邪熱。熱過於中下二焦。冷物停痰滯。

於上焦每每見惡寒證。遇此惟以宣導痰滯爲主。痰滯通則惡寒自止。不可過溫。致下焦瘀熱。畜血斑黃呃逆而死。不可清涼。致胸腹痞悶而危。宜用草果厚朴檳榔木香半夏蒼木萊菔苓澤導痰開滯。逐水痰滯水去則惡寒止而熱證見。隨其傳變以施涼解攻利之劑。乃有效也。此法特救藥誤。非治正病耳。總之風寒以惡寒爲重。時疫以惡寒爲輕。多有初起惡寒一二日不治。邪氣傳變而惡寒自已者。與其誤治毋寧俟之。若誤認惡寒爲真寒。用辛溫之藥發散。未有不增其病勢者也。

寒熱往來

寒熱往來。與發熱惡寒異。發熱惡寒。一時兼至。寒熱往來。寒已方熱。熱已方寒。亦與瘧不同。瘧發有時。寒熱長短有定。此則寒熱無時。長短無定。雖不同於瘧。而邪俱在少陽。半表半裏之間。在傳變之初。是由輕入重。如則寒熱往來。繼則熱多寒少。再則但熱不寒。至晝夜壯熱。譫妄煩渴。畢現在傳變之後。是山重出。輕。晝夜壯熱。漸減而為發熱。有時而止。又減而為寒熱往來。又減而為戰汗。至脈靜身涼。而愈。夫疫邪自裏出表者。輕。自表入裏者。重。初起寒熱往來。是自表入裏。犯及少陽。裏氣與邪相爭。拒。繼則邪深入裏。表裏併而為熱。晝夜壯熱。而勢日重。既傳變之後。而寒

熱往來是邪氣向衰正氣來復自裏出表經過少陽前之  
晝夜壯熱邪氣乘綱者至此正氣漸和而寒熱有時矣前  
之邪陽獨盛亢極無陰作純熱者至此則陰氣來復而寒  
熱相爭矣前之邪併表裏而熱渴日加者至此則裏氣逐  
出表邪而作戰汗矣治法於未傳變之先欲由表入裏時  
但透達其邪使易傳化爲主達原飲是也於傳變之後欲  
自裏出表時以和解爲主小柴胡湯是也於屢經汗下之  
餘脉或虛微濡弱結代心或悸動神或萎靡形成羸弱過  
甚當養陰益氣助正却邪爲主參胡三白湯炙甘草湯清  
燥養榮湯補中益氣湯是也

濡全要

頭痛

時疫頭痛與風寒不同。風寒是寒束於上部。中下無邪。上逆。頭雖甚痛而不昏悶。時疫是熱蒸於上部。中焦邪犯上焦。頭不甚痛而昏悶。所謂卓然而痛者是也。驗得氣色神脉舌苔爲時疫頭痛。而又有表裏之分。初起頭痛腦後顛頂目珠略甚。舌苔白而發熱者。太陽頭痛也。羌活川芎爲主。豆豉酒芩知母生地爲輔。額顙脹痛。目痛。鼻孔乾。舌苔白而微黃。煩熱而渴者。陽明頭痛也。葛根爲主。淡豉石膏爲輔。兩額角痛。眉稜骨痛。寒熱往來。口苦咽乾。舌苔中黃。邊白。或中灰黃。尖上白。少陽頭痛也。柴胡荆芥川芎爲主。

酒本石膏爲輔。頭痛而三陽證悉具者。吳氏三消飲爲主。時疫頭痛。尙見一經證者少。雜見二三經證者多。此方尤爲多效。頭痛甚者。加豆豉。芎防。清其頭目。頭痛舌苔黃。心下滿。蒸蒸發熱者。陽明裏證也。三黃石膏湯。小承氣湯。大柴胡湯。防風通聖散。選用舌苔黃。或半截。或傍邊。有一塊白。胸滿而嘔。頭痛兼眩者。痰厥頭痛也。前胡爲主。半夏。萊菔子。枳橘。山查。麥芽爲輔。兼煩熱者。加大黃。枳實。汗下清解後。頭痛心悸。四物湯去川芎。加丹皮。知母。黃柏。或歸脾湯。逍遙散。并加生地。棗仁。凡頭痛見證混雜。難分表裏者。總以舌苔辨之。

頭眩

時疫頭眩有三其一風熱頭眩乃時疫本病寸口脈多浮而發熱荆防芎藭天麻爲主黃芩爲輔煩渴加石膏其一痰水頭眩乃時疫兼證脈沉而弦滑兼嘔胸脇滿悸動前胡爲主半夏茯苓枳橘膽星萊菔蘇子爲輔然必視時疫大勢屬表屬裏於應用本方中加此數味可也其一虛證頭眩乃時疫變證多見於汗下清解後或素有怯證者如上虛寸口脈不及關尺多汗少氣不足以息心悸參耆爲主中虛關脈不及寸尺多從嘔利太過而來不思食苓朮爲主下虛尺脈不及寸關腰膝痠厥二便清滑六味地黃

為主。三虛皆可加天麻。或虛證已見。仍夾有疫邪燥熱。則不妨兼用清熱之品。或補後脈氣稍實。再為清解。亦可大抵時疫頭眩。多屬熱少。屬虛。治須斟酌。若傷寒。亡陽頭眩。又當遵仲景法治之。

### 頭脹

時疫頭脹者。乃胃熱上蒸也。下之則愈。兼表者。防風通聖散。大柴胡湯。吳氏三消飲。無表證者。三承氣選用。病後虛脹。與頭眩。參看。

### 頭重

時疫頭重者。溼熱上壅也。於清涼解表藥中。加蒼朮。或利



水藥病後虛重亦與頭眩參看又有表裏無病病在頭中者其目必黃當遵仲景法用瓜蒂散搐鼻出黃水即愈

### 目脹

時疫目珠脹者陽明經病也兼表證葛根葱白湯加石膏若胸滿舌有黃苔宿食也蓋食壅陽明其脈不下行而上逆故目珠脹宜平胃散加山查麥芽枳殼消導之則愈至屢經清解而目珠脹痛不愈者當消息其肝臟以養陰滋血和肝之法治之如再不愈則當進而滋腎乃乙癸同源之治也

### 項強酸

時疫初起。項強酸兼發熱。乃邪越於太陽經也。羌活爲主。狂躁正盛而項強者。熱壅其經脈也。石膏黃芩爲主。屢經汗下發熱已退而復項強者。血燥而筋無養也。四物六味爲主。外此若傷寒發瘧之項強。亡陽漏風之項強。則又有仲景之法在。

### 背痛酸

時疫初起。背痛兼發熱者。邪浮於太陽也。羌活爲主。背痛而脹兼胸脇脹者。邪客募原也。草果厚朴檳榔萊菔子大腹皮爲主。屢經汗下後發熱已退。背痛不止者。經脈血亡也。六味生脉四物爲主。又有平素勞倦內傷而背痛在膏

附錄宋本者當於東垣內傷諸論察之。有音荒。

### 腰痛發

時疫初起腰痛兼發熱者太陽受病也。獨活爲主。兼脹者氣滯也。加枳椇。兼重者夾溼也。加蒼朮。牽引少腹及兩脇者氣滯血瘀也。加青皮烏藥赤芍元胡。兼理氣血疏通腎肝。此皆初起實證治法。又有卽夾腎虛陰傷者腰痛獨甚於周身。兼酸痿無力。若尺脉無力。後來傳變必危。當於初起在表時加入參知母生地。預顧其陰。則危殆差減。若徒用伐邪之品。邪之深入者未必去而液大傷。則昏沉舌黑直視失尿諸證見。陰傷氣脫。則厥逆證見。蓋腰乃腎府。

爲先天根本。腰痛則腎虛不可不察。要知此時疫初起。腰痛尚有虛實之分。若汗下後而見腰痛。其爲腎虛不待言矣。宜大味四物不可疏通。

### 膝痛酸

時疫初起。膝痛發熱者。邪在太陽經也。獨活。枳。榔。牛膝。爲主。兼軟者。淫甚也。蒼朮爲主。然此特太陽之一證。初起以解表邪。大勢爲先。膝痛專藥一二味而已。若經汗下。表邪大勢已解。則當察其邪氣之有無。正氣之虛實。專治下部。不然恐致殘廢。倘餘邪不盡留於下部。則仍有熱證。如骨蒸。小便黃赤。以黃柏。苡仁。清。濕。熱。枳。榔。木。通。通。壅。滯。筋。攣。

則秦艽木瓜筋緩則蒼朮防已紅腫則赤芍丹皮續斷苧  
歸若無餘邪見心悸二便頻數尺脈虛小則當以補腎爲  
急六味加牛膝枸杞知槩滋益陰精

### 脛腿痛酸

時疫初起脛痛酸者太陽經脈之鬱也獨活爲主兼壅者  
治在筋加秦艽木瓜兼腫者治在肉加木通赤芍板櫚兼  
軟者屬溼溫俗名軟腳溫往往一二日卽死宜白虎加蒼  
朮湯或蒼朮黃柏此與膝痛頗同未經汗下則解表之大  
勢加一二味脛痛尚藥表證已解惟留此當專治之若屢  
經汗下而見虛證亦以補腎爲主

足痛

時疫初起足痛。有因素有脚氣痼疾者。但治時疫於解表藥中微加枳槲木通。若已經汗下。表裏俱平而足痛不止。則消息其腎家虛實。同膝脛痛法治之。

肩背痛酸

時疫初起肩背痛酸者。手太陽經脉受邪也。解表則痛自已經汗下後而肩背痛者。有經隧阻滯。血脉空虛之別。經隧阻滯者。脉多有力。證多熱渴。以清熱活血為主。黃芩赤芍歸尾紅花之類。血脉空虛者。證多痿困。脉多扎澁。養血益氣為主。四物台參芪之類。

# 痲痛

時疫初起腕痛者乃風淫水疾也初起解表汗下後益氣養血與肩背痛同治

## 周身骨節酸痛

項背腰膝足肩背諸痛已列於前則周身之酸痛備矣茲復列周身骨節酸痛者以痛在一處邪有尚注痛在周身邪有分布也專注之邪須通其凝泣分布之邪須解其縛束故治周身酸痛疏表其大法也而酸與痛亦有別酸輕而淺痛重而深酸痛與拘攣又有別酸痛舉動如常拘攣屈伸不利酸痛病在營衛拘攣病在筋脉合酸痛拘攣

又有上下淺深前後之不同。在身半以上為未疾淺而易解。在身上以下為本病深而難祛。合上下之酸痛拘攣。在未經汗下與已經汗下者。又有別未。經汗下屬邪盛宜宣伐。已。經汗下屬正虛宜調補。明乎此則酸痛在周身。在一處。按證施治無不當矣。解表諸方。人參敗毒散。九味羌活湯。六神通解散。大羌活湯。

### 身重

時疫初起發熱身重者。淫勝於熱也。蒼米為主。二。三。日至四。五。日傳變之後。汗出更熱而身重者。熱壅其經脉也。白虎湯為主。傳裏表無熱而舌燥便秘腹痛拒按而身重者。



內結而氣不達於表也。三承氣爲主。屢經汗下。表熱已退。身重不可移動。脈虛散而無根。舌上無苔。二便自通者。陰陽兩亡。經脈枯竭也。審其陰陽偏勝而治之。偏於陰。多燥。證六味合四物爲主。偏於陽。多脾。胃證六君合生脈爲主。陰陽俱竭。生脈合六味爲主。

### 自汗

疫邪自內蒸出於表。初起作寒熱時多自汗。甚至淋漓不止。不可以表虛論。兼頭痛身痛。仍以解表爲主。羌獨柴葛之類。兼煩渴直清陽明之熱爲主。白虎之類。有熱有結。破結爲主。陷胸三承氣之類。若屢經汗下。邪已全退。脈虛而

舌無苔二便清利如常內外無熱證方可從虛斂汗蓋以時疫得汗爲邪有出路而宜斂汗者恒少也

盜汗

時疫初起盜汗者邪在半表半裏也胸脇痞悶達原飲無痞則小柴胡湯汗下後大熱已退有盜汗者餘邪不盡也小承氣小陷胸吳氏承氣養榮湯諸方清其伏匿除邪盜汗自止

戰汗

時疫不論初起傳變末後俱以戰汗爲生兆以戰則邪正相爭汗則正逐邪出然有透與不透之分凡透者汗必淋

汗後身涼口不渴舌苔淨二便清胸腹脇無阻滯結痛始爲全解之戰汗。否則餘邪未淨而復熱則有再作戰汗而解者。有戰汗須三四次而後解者。有戰汗一次不能再戰待屢下而退者。有不能再作戰汗卽加沉困而死者。總視其本氣之強弱何如耳。凡戰汗之時不可服藥補則戰止而汗不透留邪爲患。汗下則太過而成虛脫。應聽戰汗也。微再觀脈證施治。當戰時或多與熱湯飲之助其作汗。戰汗之時脈多停止勿訝。待戰汗之後脈自見也。大抵戰汗之脈以浮爲佳。邪出於表也。虛散微濡應有變。煎獨參湯以待之。防其脫也。貧者米飲聊代之。然必察其戰後係

廣雅疏證  
邪淨而氣欲脫方可用凡戰汗後神靜者吉昏躁者危氣  
細者吉氣粗而短者危舌痿不能言者死目眦陷者死目  
轉運者死戴眼反折者死形體不仁水漿不下者死戰汗  
雖爲佳兆亦有吉凶得戰汗固由治得其宜邪退正復而  
致然不可強也嘗見服大發汗藥毫不得汗而飲冷水得  
汗者又有用下藥得戰汗者涼血活血得戰汗者生津益  
氣得戰汗者種種不一當知戰汗乃陰陽交和表裏通達  
自然而然非可強致也

### 狂汗

時疫臨解有忽手舞足蹈跳床投榻而後作汗者最爲駭

人然須驗其是否作汗。作汗之脈浮而緩。浮爲邪還於表。緩則胃氣自和。待汗透自愈。脈若浮洪。浮數。浮滑。浮散。雖有汗亦爲發狂。非作汗也。

### 頭腫

時疫頭腫。乃風熱壅於上部。太陽之經。脈鬱滯。顛項。俗名大頭傷寒。當視表裏輕重。加輕清疏風之品。以散其腫。荆防薄荷。蟬退。川芎。蔓荊。菊花之類。如發熱。舌苔白。表重於裏也。合表藥用九味羌活湯。人參敗毒散是也。如煩渴。舌苔黃者。裏重於表也。合裏藥用三消飲。涼膈散。大柴胡湯。調胃承氣湯是也。古有用三棱。鍼刺出惡血法。亦可用至。

發癰腫者不在此例

### 面腫

時疫面腫風熱溢於上部陽明之經脈被鬱也赤腫者方是治以白芷防風葛根石膏散其風熱視表裏之輕重合頭腫條內諸方加減用之若黃腫乃水氣也當從水腫治之

### 頸項腫

時疫頸項腫乃陽明風熱俗名捻頸溫又名豎暴溫當按頭腫條內表裏諸方加葛根桔梗梗牛蒡防風并參癰腫發頤不在此例

耳旁腫

時疫耳旁腫乃少陽風熱俗名黃耳傷寒小柴胡湯加荊防芎乃元參亦當與頭腫參看

胸紅腫

時疫胸前一片紅腫粟起似癩疹風熱也俗名赤膈傷寒亦於頭面諸條表裏方中加荊防連翹赤芍牛蒡土貝

周身紅腫

時疫周身紅腫風熱溢於皮膚也用羌獨升柴葛芷疏其皮膚之毛竅石膏黃芩梔子連翹清其肌肉之熱赤芍歸尾和花生地活其裏熱之瘀兼裏證與頭腫諸條參治

以上所應諸條列之表證者以初起言也。若見於病後  
曾經汗下者。爲餘邪不盡。治法則小異。大約見於初起  
表邪盛實。用表散之藥爲主。清裏之藥爲輔。見於病後  
裏邪留滯。用清裏之藥爲主。表散之藥爲輔。以此爲權  
衡。思過半矣。

發黃

時疫發黃有四。一宿食。二畜水。三畜血。四鬱熱。當疫證初  
轉在表時。胸膈痞悶。目珠黃。面黃。正中黃。宿食壅於胃脘  
也。於表藥中加山楂神麩麥芽萊菔子。傳裏時小便不利。  
腹滿而響。面自身俱黃。畜水也。四苓散加梔子茵陳。胸腹



有軟痛處。小便自利。大便黑而發黃者。畜血也。桃仁承氣湯。熱在下焦。大小便俱不利而發黃者。鬱熱也。茵陳蒿湯。凡發黃必以二便爲辨。二便調屬上焦。小便不利屬水。小便自利而大便黑潤屬血。大小便俱不利屬熱。鬱乃胃熱移於膀胱。不必利其小便。但當通其大便。是以茵陳湯有專功也。發黃當辨其色。上焦宿食發黃。只在面目。不及周身。畜水發黃。周於身。兼微黑而黯淡。瘀血發黃。亦兼微黑而潤澤。鬱熱發黃。兼赤而鮮明。此卽以黃辨黃之法也。

### 發疹

時疫發疹。熱邪從皮毛出也。與汗同機。以疏散清熱爲主。

然與他證發疹不同。他證或無裏熱。此則未有不裏熱者。雖以疎散爲要。而見煩渴舌苔黃。則硝黃仍須兼用。他證發疹。疹散而病卽愈。此則有屢發而病不衰者。他病發疹。不過一二日爲期。此則爲期不定。治法必視裏邪解否。爲用藥之準。則不可以疹之一證爲據也。

### 發斑

時疫發斑。邪熱出於經脉也。雖不及戰汗。亦有外解之機。治以涼血清熱爲主。白虎化斑湯。吳氏舉斑湯。犀角地黃湯。選用此亦與他證發斑有異。他症發斑。斑消則愈。此總不以斑之消否爲輕重。而惟以裏證爲主。每每斑出而譫

妄如故。或斑出數日已消而昏沉如故。必待裏熱全清。二便清利而後愈。故治斑藥味可爲輔。不可爲主。發斑發疹。熱皆在經。而不在胃。凡遇煩躁而不渴。目赤而舌白。卽是將發斑疹之候。預以清涼解表透毒之藥治之。使邪易出。易淨。

以上時疫表證皆關乎裏。不似他證表裏兩不相關。故前列各條皆冠以時疫二字。以明非他病之見證。不可以治他病之法治之。亦不可以此法治他病。總憑氣色神脈舌苔辨之。百不失一。是五者爲辨時疫之大綱。實亦辨時疫之細目也。